

東廳須問

續十

燃藜室記述別集卷之十目錄

官職典故

科制四 武舉

科制五 新來 回刺

議謚

蔭仕

朝參

除拜陞遷

品階

祿俸

追贈

竄謫

起復

官吏歸葬

官官

掖隸

吏胥徒隸

蕭士

蕭士

蕭士

蕭士

官湖與

湖廣通志卷之二十四

然蔡室記述別集卷之十

官職典故

科制四武舉

高麗睿宗置武學曰講藝齋試取武士其後武學齋生赴舉者少策論雖不合格隨分選取得第甚易諸生爭屬武學武學漸盛將與文學人角立不和朝廷深以為憂仁宗命傳罷武學取士及齋號恭愍時生負李穡上書請試武舉以充宿衛恭讓二年都評議使司奏文武不可偏廢本朝只取文科不取武科故武藝成材者少請於寅中已亥年設武科取通兵書精武藝者永為定式從之

○太祖二年設武科

○太宗八年設武科以備龍虎榜國朝武科始此

麗朝武舉之制雖未詳知我朝武年之規則寅申巳亥之年與文科同設初試於京中及各道有定額之數隨其舉子矢數多少而出槓翌年子午卯酉之歲聚會八格初試之人試射六兩危箭騎槍八格然後考講將鑑博議武經中一書四書中一書與大典粗通以上者矢數與講書之數通融合計分等只取二十八人謂之會試又以會試之人親臨試才定其坐次謂之殿試

松窩雜記

古者無武科 太宗朝始設焉故事文武科放榜日賜紅牌賜花酒文武科一等三人別賜皂蓋 世祖朝文科賜蓋武科則賜旗遊街之日癡兒愚婦皆辨其為文武科武班頻不悅尋罷復舊制

筆苑雜記

世祖六年庚辰巡幸四方所到處必設武科不為初試

不限規矩隨其多寡而取之一年通計一千八百餘人至今以武士之不能制馬不能彎弓者必誚之曰庚辰年武科自此武選亦輕矣

松窩雜記

○世祖十二年幸江陵五臺山駐蹕于御林臺取武士賜第

○世祖朝取武科一千人上召居末者問曰今世復有才下於汝者乎對曰後榜壯元是才在於臣下者上大
笑擢用其人後果補職云

芝峯類說

○中宗庚辰設科取武士一千好事者稱之曰武士騎牛
馳射不中駐牛拔其矢再射之自試官所傳呼曰彼舉子
何以駐牛荅曰牛方漫

於牛野談

○成中兩廟朝別舉之規必以六兩二十步騎射四中謀粗通然後參揚故所取武士循皆傑然可用至萬曆癸未尼湯介寇邊兵判李珥建議為防戍赴戰之計遂設別舉取武士六百餘人而逐年所取不下各數百人 祖宗朝科舉規法至此蕩然雜色諸軍之稍解操弓者皆得參焉而 王宮侍衛甲士別試衛定虜衛之類及外方諸鎮騎步兵水軍新選之額多闕壬辰 大駕西行關西與海西連歲設科癸巳秋全州撫軍所嶺南元師府與各道所取甚夥自癸巳還都至丁酉五年之間累設大舉不為講書只取一矢之八名為科舉實同軍目放榜日戴花執牌著繩鞋而徒步者亦多取人愈多而將才益乏

○宣廟癸巳永柔行在取武士二百時邦禁不嚴公私臧獲亦赴試竊科李恒福對客呼奴僕不應恒福曰可惡是漢必赴試去滿臺大笑

於于野談

○宣祖自開西回鑒歷臨延安館舍試守城將士親臨放榜

○命軍兵學習鳥銃入於科舉諸技中

○成渾䟽曰我國之人最重科舉宜於各道特試武科防禦最緊處則分設二三場大舉廣取如平安道例潜伏者盡赴八格則為精兵其餘矢數則各於名下具鄉里居住不得如前漏落亦可為調發之兵矣

○癸巳冬光海以東宮駐全州取武士五百時舉國飢饉餓孚滿路南中赴舉者以米五升買及第

於于野談

時全州謁聖設科取文臣十一武臣一千六百權慄亦承命往陝川設取武九百人

日月錄

甲午因李舜臣狀啓取武科百人號舟師及第

上全

亂後取武科甚廣一槓所取多或至數千或有不解操弓而得參者或有賤類而得參者通共數萬人蓋欲其使人興起而無補實用科名亦多賤矣

芝峯類說

得倭頭一級者勿論公私賤許登科或有斬飢民頭認倭頭以要賞者嶺南有一斬頭及第縣倅設宴以榮之人有作詩嘲之曰飢民頭上桂花浮紅紙羣中怨血流太守慶筵知有酒願分殘瀝慰啾啾

芝峯類說

丙中遣近臣于閒山島設科試成卒從李舜臣請也

壬寅朝議以舟師勤苦設試于慶尚道金山巨濟全羅

道鯨島古今島取一萬七千餘人冬朝議以內地之人亦
多混入請以初試施行改試每師科取一千六百餘人

乙巳以外方武士試射直赴會試者要防北邊別設庭
試

光海初特設武科於咸鏡道不設文科只以武科放榜

十一年邊事日急分送承旨于諸道設科廣取武士

咸以

聚京城為難令取萬餘人時稱稱萬科

仁祖丙子設平安道武科自願赴科者勿論他道皆許
赴取萬餘人

丁丑命南漢守堞扈從人勿論公私賤各以一技許赴

庭試

具仁座啓曰經亂以後武科只取弓馬故曉達兵家者反不與焉自今稍變舊規無以講書取人

崔鳴吉啓曰廣取武士為國家莫大之弊兵額日縮一也官爵不遍歸怨朝廷二也名器日輕人不安分三也近日言事者徒知赴防之重而不思後日之弊每以廣取為言西路設科猶有太濫之歎又欲於三南譬曉校生試其武藝合榜於前頭別舉莫重科舉何可以一番試才而許其泰楊 遲川集

仁祖丙寅別試以臺啓罷擢而武科不罷合於庭試

顯宗乙巳大臣以武弁內三廳之人啓請設科仍設對

舉文科庭試

肅宗丙辰庭試初試命分道試取來赴殿試西北嶺南則別遣重臣設行即其地故榜合取一萬九千餘人

時武科至於一萬四千餘人唱榜時闕庭狹窄依丁丑辛卯年例設行於敦化門外備局瞻錄

宋時烈疏曰武人萬科為今日難處之巨弊矣其數近於二萬而皆萃於京師以希調用不得則怨京師米貴亦由於此而農民漸以臣愚欲依程子鑄解額去利誘之說各使其守令試藝拔其尤者以外於兵使兵使又聚而試之而拔其尤者以外於兵曹又取以試之以次補官則是數萬之人各歸其鄉一邊作農一邊習藝公私京外皆得其便而於其賤品之中亦必有可用之人才矣

左
卷

肅宗丙寅 上曰以今番武科初試榜觀之士夫子第

之得參者不過十餘人可用者甚歎何以望將來之任用
乎朝家用才不擇文武八侍諸臣中如有子弟累人者勸
令學武宜矣知事申汝哲曰臣每聞傳教出語儕友勸子
弟學武而一自萬科之後得官甚難多有虛老者且稱武
弁則至於舊官亦皆凌侮此所以士夫子弟之寧為窮儒
不肯就武也右相南九萬曰中原科制則有武進士武藝
教技之外以平邊論治安策試取故八格者雖歎而多可
用之才我國亦有講制而只講音釋便皆得參士夫子弟
雖能講書而武藝不足故常漢之參掾者居多若欲矯弊
則稍重科武而節損取人之數可矣

備員瞻錄

庚午教曰人臣效忠文武何異而近來武科榜目中絕
無士夫子孫士族之不事武業可知設廳勸武宜矣

○壬辰始設平安道別武士都試丁酉設江華府壯旅義
旅都試戊戌設黃海道別武士都試東萊府別騎衛都試
己亥設義州江界宣川昌城三和別武士都試

○英宗己酉設江原道別武士勸武軍官都試丙辰設黃
海道延捕武士都試丙寅設慶尚道別武士都試辛未設
京畿忠清慶尚全羅黃海江原等道護武軍官都試及黃
海道鄉騎士都試

科制五 新來 四判

古者制馭新來所以折豪士之氣嚴上下之分使就規矩
也其徵物魚則稱龍鷄則稱鳳酒則清稱聖濁稱賢其穀

亦有限初出官曰許參總過十餘日與之同坐曰免新令
也非徒四館如忠義衛內禁衛暨諸衛軍士吏典僕隸侵
毒新屬之人凡干貴味皆督徵之少或不適雖過一朝不

許同坐

補齊
義話

三館風俗南行負尊其首為上官長敬謹奉之新及第

分屬者謂之新來侵辱困苦之又徵酒食無藝所以屈折
驕氣也始仕曰許參終禮曰免新然後與舊官連坐開造
設酌則末官以左手執女手右手執大鍾先呼上官長者
三又細聲呼者三上官長微應呼亞官則亞官亦大聲應
之下官不勝則有罰上官不勝則無罰雖位高大臣不得
坐上官長之上與三館間坐呼正一品五大字一品四大
字二品三大字三品堂上二大字堂下官只呼大先生四

品以下泛呼先生各舉姓而稱之呼畢又呼新來者三又
呼黑新來者三黑者女色也新來倒着紗帽以兩手負背低
首至地就先生前以兩手圍紗帽而上下之名曰禮數誦職名自上而下
則順啣自下而上則逆啣又令作喜形曰喜色作怒形曰悻色言其別名使為其
狀曰三千三百其侵辱多端不可勝言故榜慶賀之日必邀三館然後
設筵行禮若有新恩不恭得罪於三館則三館不往新恩亦不得
遊街三館初到門一負擊鼓唱佳官好爵諸吏齊聲應之以手
擊奉新恩下上之曰慶賀又慶父母族親曰生光最後又奉女人而
慶之曰乳母又新恩縣榜拜謁于議政府禮曹政院憲府諫院成均
藝文校書弘文承文諸司諸司先生多徵布物以為飲宴之需春時
校書館先行之曰紅桃飲初夏藝文館行之曰薔薇飲夏時成均
館行之曰碧松飲

嘯齋叢話

先新宴上官長曲坐奉教以下與諸先生間坐人挾一妓上官長則挾
雙妓名曰左右補處自下以上各以次行酒以此起舞獨舞則罰以酒
至曉上官長乃起行酒衆人皆拍手搖舞唱翰林別曲乃於清歌蟬
咽之間雜以蛙沸之聲天明乃散

儒齋叢話

宣祖朝李珣啓曰作人之效雖非一朝可見但弊習傷教者則不可不
革今者士之初登第者四館自為新來汚辱侵虐無所不至夫豪傑之
士尚不以科舉為念况使之毀冠裂袂宛轉泥水中盡喪威儀以弃
廉恥然後乃登仕版則真豪傑之士孰肯為世用乎中朝接待新恩頻
加禮貌若聞此事則必以為胡風矣上曰侵虐昉於何代耶珣曰於
傳無徵但聞麗末科舉不公登第者多貴家子弟口尚乳臭者故時人
目之紅粉榜人情憤激遂肇侵辱云上曰此可革遂傳教命革

四館侵虐新進之習

石潭日記

我朝新登第者號稱新來四館分隸號稱分館分館之後新隸
者夜謁本館先進之門號稱四刺進退出八侵虐困辱惟先進
之命殆至旬餘而後始許參吐于本司號謂新來免新夜行之際巡
更者毋禁行止眼色極可怪至以新鬼嘲之朴泰漢登第分館
不肯回刺崔昌大謂之曰此雖非壯士所屑自係國俗雖
前輩名德亦皆不免何至立異論於節目間事取世俗之指
點耶泰漢曰不然此是士子出身初程何可強循俗套自甘鬼魅
之目乎栗谷請筆此弊載之經筵日記近來尹相公趾完雖不
自處以道學之士亦不肯為豈有自好之士身蹈此習耶昌大改容
稱善而不免強執回刺後書報泰漢曰鬼行既不免而至於嘲
詠褻謔亦多隨人同波者悔不與吾兄同去就也 昆侖集
初朴泰漢與李光佐崔昌大相約吾輩登第勿應新來甲戌

別談三人同榜儕友知秦漢素執決無應俗之理初無往呼
新來者先佐則南相九萬以座主來呼亦終不應曰大監
以大臣為先生教新進不以正已事君之道使為紅粉榜
餘習耶九萬笑而許之昌大則以親命不許不得已從俗

崔錫鼎與李光佐書曰程子易傳曰事之無害於義者從
俗可也近世先進之侵困新來固談於兒戲而行之既久
遂以成俗前輩名人亦皆不免循俗為之今聞左右與朴
喬伯過先生不茶喬伯又過之恐未深究輕重之所在也
士所常為不在於此如此小小節目姑此應俗不害為彈
較之義蓋勉其所宜勉不能無區區之望也

明谷集

議謚

宗親及文武官實職正二品以上贈謚親功臣則雖職卑亦贈謚儒賢及死節人表著者雖非正二品特許賜謚

政事
新書

○大提學雖從二品亦許賜謚儒賢節義外母得於外陳請續大典

○知中樞勿論文蔭武曾經亞卿實職外母得贈謚美宗
朝受教

○本家先以所撰謚狀呈禮曹禮曹照訖題付奉常寺傳送弘文館定日合牒奉常正與諸僚開牒集字應教至亦出所定謚草輪示可否議定三陟移牒禮曹署經于政府兩司自吏曹入啓受點回公後謚狀還付太常藏置若特

教贈謚則不待謚狀直自弘文館定日合坐太常

我朝初以謚法為重正二品實職以上及功臣追封者

外雖有淑行大功亦不許賜謚謚議初自奉常受行狀而
列謚名牒于吏曹吏曹會弘文館戡定以啓至慎重也應
謚者死其家即具行狀送于該司雖平日無功德行譽者
不敢不請謚或以煬以荒以惑亦不能辭近世此風頓革
初則有物議之家恐得惡謚不為狀請終則並與名臣大
功而不為請謚矣識小錄

改謚鄭熙啓太祖朝

三金且謚文長世宗朝

補 國信惟正卿以上賜謚死而謚周道也凡大夫皆然今通故以上位在中
大夫如何不謚近謚之家必神主下堂導之若親承者然此礼又何所據五礼
以榮贈條亦無如此之文今人不曾一閱旧典只憑曹吏之口轉訛至此也夫
贈官贈謚均也贈官則不然何獨於贈謚而異哉 僊說

○成廟甲辰昬奉常議金良璫謚曰恭威偏肅齊極

備考作極

上問於承政院對曰良璫有偏心之病故謚皆如是 上

曰曩者全國光中結譴之謚慮有後弊欲改而未果今有正直之人其朋友以私事請囑而不從則皆云其心偏急朝議靡然從之以正直得偏急之謚其可乎欲改此謚何如故院曰奉常既已定謚改之似難正直之人豈可以偏急稱之大抵以偏急得名者於其所不當為之事偏執強為者也良璫偏急之病想必公論皆然今若改定恐有後弊但奉常擬進六字中 上裁何如 御書恭肅公而出

搜聞瑣錄

○成廟甲辰十一月奉常擬李繼孫謚曰長璫玅憲 誨人不倦曰長述義不勉曰玅金宗直在經筵啓曰繼孫為

永安觀察興學養材至今多中科第者然謂之誨人不倦則失實誨人不倦如金鉤金末則當矣以監司興學而已不自教誨何以得此謚繼孫為人得宰相體善人君子也不須長字亦可得義謚其曰述義不勉恐亦失實曾以罪謫罰而謂玕不可 上遂書敬憲公而出 設聞瑣錄

國法奉常寺主議謚自 中廟中興以來謚我不正特命弘文館應教以上往參駁議是時謚金壽童曰頃順公柳順汀曰武安公政府以名實不副令奉常改議邇來謚議之際其子孫奔走于請必欲得義謚而後已故少不稱意輒復追改故所議皆不得正有武官叅請國功張珽者死安彭壽為奉常正斷謚曰忠烈自是謚無文忠兩字則

人皆怪之

陰崖
雜記

中宗命改慎承善謚掌令金千齡正言權達手啓謚號不可以私恩輕改請還收慎承善改謚之命上曰承善功在國家故初欲贈謚以忠復思之謚添非如特恩之例改之不可故從該司所議為章成

○改謚林百齡

入

明宗朝

○李滉賜謚文純

李滉奏謚詳
祖朝李滉名下

宣儒賢之不待謚狀賜

謚始此

○宣祖朝以卑官追謚者金宏弼謚文敬鄭汝昌謚文獻

徐敬德謚文康實異典也趙光祖亦追謚文正許筠請謚

柳希春上只令贈右贊成而不許謚

識小錄

○孝宗八年宋浚吉疏曰聖明特許

臣

師金長生之謚所

司以文敬文元議故夫敬者聖學之基本亦長生所常用

力者斯豈非懿稱也第人之資稟各有所當必得其當然
後允叶公議臣竊想長生真純渾厚寬恕冲和底氣像其
所副擬者恰好著題而恨議者之實在第二也斯名一定
百世難改苟失其宜遺恨無窮上從之贈謚文元

○肅宗庚申因臺啓改許積祖潛忠貞之謚建而

○英宗朝應教黃景源言奉常正職掌議謚而或有議謚
不公者則令應教以上駁議矣近者應教議謚而奉常正
無所可否非制也請自今議謚時使奉常正協議定謚以
復故規上命此後議謚時以曾經玉堂人差出奉常正俾
與詳議定謚

補洪思齋集禮曹臺上先生案序曰考政府所藏請謚行
狀云可知從前人家謚狀皆藏政府

蔭仕

我國取人之路有三曰文科武科蔭職蔭職則係舉取才
公薦里選然後方許注擬蓋二百年不易資級有九品由
郎至大夫陞資者必計判滿期乃遷補為仕如國有恩賞
而須及於百官者補為別加父兄官高不親受恩加者子
弟代受之補為代加別加代加非常典也待滿而遷者必
閱數年緣經一階故在其理平居官者非有闕閱功勞不
得橫遷故筮仕者雖十年猶未得通訓階壬辰以後國家
被兵播越急於討賊寸功毫績皆以爵賞賡之由是文武
兩途俱溷至于光海朝希恩覬賞固有紀極

象村彙言

○本朝宰臣不由科第進而為禮曹及大司成者姜碩德
一人

○近世未登科而為承旨者鄭仁弘鄭述述以禮房承旨為殿試試官亦異事也項日康明之以甘盤之勞也洪可臣雖不為承旨任刑判徐仁元為江原監司此外為參議者纔數三人宣祖朝南行為憲府者多亦有敢言舉職者洪可臣為掌令論安汝慶不合為府尹上怒而適汝慶府尹仍令勿以南行人為臺諫識小錄

○漢山君李孫己卯進士又善弓馬世祖命補宣傳官成宗元年擢文為禮曹正郎

○柳順訂孫師彌年六歲以勲蔭例授副司勇壽谷集

朝參

國朝冬至正朝聖節坐正殿受羣臣朝謂之三大朝會立春人日當直宰相押班謂之小朝會教宥境內有讀教書

之儀封爵退崇有違冊使之儀五日一聽政謂之衙日命相謂之宣麻

世宗八年始令百官輪對東班六品以上西班四品以上各以衙門次第每月輪對

右議政致仕柳觀啓曰每日常參上體勞動請間日

傳常參世宗答曰啓意予知之卿老矣勉強詣闕予實懼焉後日如有啓事使人啓之卿則安身養府益保衰躬

東閣雜記

世宗謂禮判許稠曰予聞中朝士大夫進退帝前絕無俯伏之禮對曰中朝之事則天下萬機皆決於帝人家事煩何暇為禮名臣錄

上前俯伏之禮實非至誠之道故祖宗朝例賜便坐一

自貞熹王后垂簾羣臣莫敢仰視之後習以為常至於明
良相遇而一向俯伏明廟當筵亦嘗每許便坐矣趙憲疏

○趙光祖筵奏與此畧同八經筵典故

仁祖朝金長生曰古制臣僚無君前俯伏之禮請如舊儀
上允之大臣惶恐不敢變長生亦不能獨行違以為恨寶鑑

宋時烈奏語

仁祖朝許福疏曰常參朝參載在五禮儀逐日御便殿
接羣臣謂之常參間日御正殿朝羣臣謂之朝參先告烽
燧次告因徒次告軍政而百官啓辭臺啓政曹除拜皆於
榻前為之矣燕山荒謠此禮遂廢而中廟即位三將無
識不為更設因循至今臣曾於丁酉年間見史官草冊每
日前面必書傳三參三字蓋以為應行而不行也復於上

年見之已不書之矣臣不覺淚下

磻溪隨錄

孝宗朝閔鼎重疏曰下情之不通久矣頃者常叅之舉誠美事也而在庭諸臣只行拜禮而退有若一時習儀者然此豈臨朝聽政之本意哉世宗朝終朝視事親自詢諮而凡干公事該曹皆得稟斷自夫此規之廢而草記之啓作矣今既復設則各司可啓之事宜皆面啓以備裁

面啓

政體典故

人豈可以常叅為一文具而默然而退又有

草記哉且常叅之日罷朝後諸司之官各於本司間坐以其稟旨之事因為舉行之地不敢偃然徑還者乃是古例云而今則常叅之官既無稟旨之事又闕坐衙之規此等事亦恐不當也

老拳集

肅宗丙辰吏判尹鎬啓曰武臣輪對是聖上一視文

武慎簡人材之意誠是盛事抑有一事王者之道以親親為本臣意以為宗親令監以上亦宜輪回賜對如武臣之例自上詢其疾苦各陳所懷以盡敦睦之意似可矣上曰內宗固有時接見至於外宗則亦有不識面目者自今以後令該府書啓其名畫講後一日二人八侍可也述而丁巳憲府啓曰闕庭大小諸官不得背坐不得拜詭明有國典至有杖贖之制此蓋以近於至尊禮有所歷故也謬規循習閤門外三公宰執會坐之時一品以下進拜於三公之前三公坐而不起此豈國典制法之意乎周禮王有三揖之禮漢制三公進見則天子御座為之起乘輿為之下蓋上下交相敬之道固如是也三公雖尊坐受六卿之拜不無偏上疑尊之嫌諸宰僕僕之禮又非不敢申私

敬之道也請自今申明大典二品以下進揖於三公之前
三公起揖荅禮又言內使來到承政院則承旨為之出拜
以為敬內使傳命雖可敬承旨亦至尊近侍之人豈得輒
為拜跪以傷事體請令改為相揖之禮以遵大典不得拜
跪之義不從

乙亥舊制賓廳

大臣卿宰會議之所

次對一月行三次以初三日

十三日二十三日

上教曰我國之制晉接輔相與樞密

之臣一月之內只是三次雖在平時固已稀濶而況民虞
國計到此之頭乎從今賓廳之會更定其式每月以初五
初十十五二十二十五三十日為日次而三次則原任大
臣亦令八來以為聚精會神共做國事之地

○丁亥特進官閔鎮遠啓曰臣於君無簞拜之禮入侍諸

臣曲拜元非拜禮乃是不敢直入俯伏肅敬而已 先王
曾以曲拜失古規有所下教首相鄭太和對以曲拜非禮
而迺來諸臣作前後揖以具拜此失禮也宜自今申飭
先王允其奏矣 上曰曲拜只當俯伏而興以此定式

辛卯景賢堂啓覆時 上曰今日筵席不嚴坐間呵欠
之聲不絕予則以君上而對臣下猶且掩口而呵欠況人
臣全無敬謹若是乎以承旨不為警飭特命推考又以諸
臣出入之際殊無趨蹌之舉亦多有作聲咳嗽者昔在
先朝八侍注書岸着紗帽承旨李奎齡至請推考筵席之
嚴固當如是矣 壽谷集

英宗四年戊申命常參以每月朔望定行
補諸臣入對必偕八偕出無一人敢留者此事始於 成

宗朝任士洪為承旨諸臣既罷獨留上前密有所陳成
廟始喜而聽之後覺其傾邪竄逐士洪諸臣懲此必與衆
退不敢獨對

恬軒瑣編

除拜陞遷

太宗親裸太室前此親享後例於齋宮除拜享官。上曰
親享宗廟自是常事除拜享官恐為後法遂傳之賜終
獻官河崙鞍馬奉俎官金承澤贊禮安省執禮許稠及諸
代言廐馬一匹

寶鑑

仕加別加代加

詳舊仕

世祖嘆貴賤有命

詳

世祖故事

在前凡官必計朔陞遷如銓曹郎官非滿三十朔則不得遷鄭錫堅自吏曹佐郎陞持平諫院啓以銓郎未箇滿而陞遷不可降為刑曹佐郎 芝峯類說

○宣廟潛邸時曾受史畧於醫員楊仁壽即位命除六品東班職臺諫啓以訴訟干恩改正更命付上護軍祿以其資級不準又以護軍司直陞降而授兩司又以過重論執不允竒大升亦啓於經筵 集

○宣祖壬申韃都承旨朴謹元以親耕事賞加陞品大司憲朴應男與謹元相功而廣坐中謂謹元曰不宜以此有賞典即請改正允之癸酉都承旨李希倫以 仁聖王后侍藥勞內醫提調及醫官並加價兩司請改正累朝後只醫官允之兩司停啓新正言李濟臣以傳論為非啓適兩

司訖六朝始停啓今則償典太濫而臺諫罕有糾正雖或
論啓旋即停止

芝峰類說

宣祖朝唐興府院君洪進由六品二十餘朝拜獻納猶
以驟陞引嫌近來銓卽及言官或逐月陞遷登第未五年
起堂上未十年致宰相者有之至於五六品守令以微勞
躡堂階者比比官爵如土末流濫觴日滋月甚矣

芝峰類說

○平時通政官以上甚少正二品以上不過十餘員謹備
實職而已自十許年來爵賞多歧至於越超階級者有之
正從一品幾五十員從二品以上二百餘員通政則不啻
倍之軍功納粟醫譯宦官雜類亦有官至一二品者名器漸
輕人視之不甚貴重為宰相者亦或不能自重

上全

仁祖朝崔鳴吉啓曰大典吏典六品以上官負仕滿九
百日方許遷官 祖宗朝謹守此法六曹郎廳佐郎三十
朔方陞五品正郎三十朔方陞四品故職事無曠廢之患
仕者無驟進之嫌 上從之

顯宗癸卯瑞興府使李廷機陞拜江界府使備局啓以
堂下官擢拜堂上守令非出八三司之人該曹不敢遽爾
注擬例也今此故體不當遂改差廷機推考吏堂

備局瞻錄

肅宗朝崔錫鼎疏曰臣謹按經國大典設官分職十考
十上者陞叙十考二中於無祿官叙用制法之意此亦可
見近來文官堂下作散一百八十餘員蔭官作散叅上四

百二十餘員參下三百餘員武官堂下作散九百餘員前
御甚多而官職有限銓曹知其如此亦無奈何臣詳考舊
近官制東班臺下官減省一百二十餘員而初仕之增設
亦至一百數十餘員參上之失祿補完其勢固然至於參
下官則教官監役別檢都事又雜歧直出六品外直長二
十二員參訪八員奉事二十六員參奉七十一員參訪奉
事皆由直長而陞出其窠猶窄自參奉而陞奉事則以二
十六員之窠當七十餘員之末其路甚狹參下計仕之規
則察訪以三十朔為限直長奉事參奉皆以十五朔為限
而其中陵官三十朔方得十五朔之仕蓋因齊郎二員遞
直之故倍其月數也奉事窠窄而參奉積滯准朔之後恒
過十餘朔而始遷今丙子夏季都目參奉之准朔未遷者

迺二十人其寃甚矣生進年三十始仕學生年四十始仕
而可用之人未必趁卽八官例多四五十後筮仕積仕七
八年始出六品雖有才能率歸於老而無用良可惜也為
今之計者莫如減參下之員而增參上減參奉之數而增
奉事直長又減齊郎之朔數同於京官然後積弊可少抹
矣且將世室及五庙陵官二員中一員搜作七八品而五
庙陵官八員作直長世室陵官十員作奉事則直長凡三
十員奉事三十六員參奉五十三員節次陞遷之際不至
如近日之窒碍察訪八員不必由直長而陞出依前日別
檢發通例在驛加仕十五朔而直陞六品則郵官有舊職
之效直長無窠穴之患矣齊郎朔數之變改雖涉重難以
理推之則京官亦有多官遞直而無倍朔計仕之事獨於

陵官以兩負遠直之故倍數准朝事涉不均今若減其仕
日為十五朝則有疏滯之美而既同京官亦無倖捷之謂
矣

[illegible]

品階

無品 大君王子君公主翁主

東西班 宗親儀賓內命婦 外命婦 宗親妻 土官 雜職

正一

大匡輔國
崇祿大夫

顯祿大夫
綏祿

嬪

王妃母
府夫人

大君妻
府夫人

品

輔國崇祿
大夫

興祿大夫
成祿

貞敬夫人

郡夫人

從一

崇祿大夫

綏德大夫
靖德

貴人

大駙乳母
奉保夫人

同正

品

宗政大夫

嘉德大夫
明德

貞敬夫人

一品

正二

正憲大夫

崇憲大夫
奉憲

昭義

郡主

縣夫人

品

資憲大夫

承憲大夫
通憲

貞夫人

從二

嘉義大夫

中義大夫
資義

淑儀

縣夫人

品

嘉善大夫

昭義大夫
順義

良娣
東宮

貞夫人

正三

通政大夫

明善大夫
奉順

昭容

縣主

慎夫人

<p>品</p>	<p>折衝將軍</p>	<p>堂下 通訓大夫</p>	<p>彰善矣</p>	<p>正順</p>	<p>叔夫人</p>	<p>慎人</p>
<p>從三</p>	<p>中直大夫 中訓</p>	<p>保信大夫</p>	<p>明信</p>	<p>淑容</p>	<p>淑人</p>	<p>慎人</p>
<p>品</p>	<p>建功將軍 保功</p>	<p>資信大夫</p>	<p>敦信</p>	<p>良媛<small>東宮</small></p>	<p>淑人</p>	<p>惠人</p>
<p>正四</p>	<p>奉正大夫 奉列</p>	<p>宣徽大夫</p>	<p>昭媛</p>	<p>令人</p>	<p>惠人</p>	<p>惠人</p>
<p>品</p>	<p>振威將軍 昭威</p>	<p>廣徽大夫</p>	<p>淑媛</p>	<p>令人</p>	<p>惠人</p>	<p>惠人</p>
<p>從四</p>	<p>朝散大夫 朝奉</p>	<p>奉成大夫</p>	<p>承徽<small>東宮</small></p>	<p>令人</p>	<p>溫人</p>	<p>通議郎</p>
<p>品</p>	<p>冠署將軍 宣署</p>	<p>光成大夫</p>	<p>尚宮尚</p>	<p>恭人</p>	<p>溫人</p>	<p>通議郎</p>
<p>正五</p>	<p>通德郎 通善</p>	<p>通直郎</p>	<p>儀</p>	<p>恭人</p>	<p>溫人</p>	<p>通議郎</p>
<p>品</p>	<p>果毅校尉 忠毅</p>	<p>秉直郎</p>	<p>儀</p>	<p>恭人</p>	<p>溫人</p>	<p>通議郎</p>
<p>從五</p>	<p>奉直郎 奉訓</p>	<p>謹節郎</p>	<p>尚眠尚</p>	<p>恭人</p>	<p>溫人</p>	<p>通議郎</p>

品	正六	品	從六	品	正七	品	從七	品	正八	品	從八
顯信校尉 彰信校尉	承議郎 承訓郎	敦勇校尉 進勇校尉	宣教郎 宣務郎	勵節校尉 東節校尉	務功郎	迪順副尉	啓功郎	奮順副尉	通仕郎	承義副尉	承仕郎
眞節郎	執順郎	從順郎									
昭訓郎 東宮	尚寢尚	功	尚正尚	守閨東 守則宮	典賓典 衣典膳		典設典 製典言	掌驛東 掌正宮	典贊典 歸典葉		典燈典 彩典正
恭人	宜人	宜人	順人	宜人	安人	安人	安人	安人	端人		
勵忠	宣職郎	建信 隊尉	奉職郎	勵信 隊尉	熙功郎	敦義 徒尉	汪功郎	守義 徒尉	直務郎	奮勇 徒尉	務郎
	供職郎 勵職郎	奉正 修正校尉	謹仕 効仕郎	頭功校尉 迪功校尉	奉務郎	騰勇 副尉	承務郎	宣勇 副尉	勉功郎	猛健 副尉	赴功郎

品	正九	品	從九	品
修義副尉	從仕郎	效力副尉	將仕郎	展力副尉
掌書東 掌縫宮	崇官崇 商崇角		崇崇微 崇微崇	掌藏掌 食掌醫
端人		孺人	孺人	東宮
効勇 壯健	啓功郎 眠勤郎	勳力 致力	試仕郎 展勤郎	彈力 勤力
徒尉 副尉				徒尉 副尉

世宗二十四年壬戌始行各品行守之法

英宗乙巳二月壬寅勲籍削罷後其時曰勲陞資者并
為收資 傳曰通政宋寅明雖以奉血官加資既經方伯
則應在通政之科當為仍授右相閔鎮遠落曰 殿下欲
用寅明則日後更拜堂上職何所不可而乃欲仍存苟且

之加資耶上曰堂下未有為方伯者故使之仍存矣更惡之事體未安加資還收後至丁未七月始除授承旨

時宋寅明以監司削資脩撰李真洙陞通政久未拜堂

上實職人謂李脩撰令監宋監司進賜真絕對云

東俗稱堂

上官曰令監
堂下曰進賜

祿俸

世宗二十二年分四孟朔頒祿自第一科至第十八科

高麗祿制中書尚書令門下侍中歲米四百石六部尚

書御史大夫翰林學士承旨歲三百石最下如國子博士

歲三十石如學正錄事助教亦十石我朝祿制正一品米

案黃豆并計歲九十八石紬六疋正布十五疋楮貨十張

一張准米一升

從九品歲十二石正布三疋楮貨一張

隋漢隨錄

壬辰以後又減於此今則一品歲俸僅六十餘石又無紬

布楮貨

(一) 高麗祿俸之制以左倉米十三萬九千七百餘石准給
內而宗室百官外而州郡鎮將下而吏胥工匠莫不有祿
第一科祿四百石第二科三百六十石以是為差至十石
而止 芝峯類說

○太祖七年因旱求言命曰惟功臣母妻封爵主外悉停
宮主翁主已主女官之祿

○仁祖戊辰戶判沈悅達白減祿為科日月錄

○仁祖乙酉年間百官頒料每年一萬八千餘石軍兵所放糧餉幾至九萬餘石稅入太半不足上番御營軍減料

放送備局瞻錄

○仁祖丁亥改定四孟朔祿俸

○孝廟朝比年凶歉備局請減百官祿俸政院大臣繼之而不許一則曰忠臣重祿聖人所訓凶年飢歲尤宜惕念再則曰御供未減者尚多俟其盡減更議可惟浮費悉令節減三則曰祖宗期待下之道極其豐厚今不可太薄終不減祿經用亦支誌狀

顯宗庚戌改定四孟朔祿俸

肅宗辛卯九月李相尚真又請減百官祿為頒料以補

賑需 上始難之諸臣申請不已遂命始自今十月朔行之
辛未又減之 寶鑑

辛未以三南告飢減百官祿俸米一石代給田米癸酉復
舊

○宋時烈疏曰丘價多寡以為官職之羨惡可羞之甚也本朝
盛際莫如 中廟已卯而補其羨者必曰丘直不入於家此乃趙
光祖倡以廩肥之道者也今日習俗之苟偷蓋由於祿薄而喪
廉故臣請復所減之正祿而除其丘價

○肅宗丁丑減百官六品以上祿俸米一石己卯頒百官六品
以上錢二百文代祿米一石之減

○辛巳連值凶歛財力匱乏以百官四科祿俸分作每朔
奴馬散料

景宗辛丑改定百官祿俸分十三科載於續典而至今

遵行

第一科正一品米二石八斗黃豆一石五斗

大者則各三石

第二科從一品米二石二斗黃豆一石五斗

第三科正二品米二石二斗黃豆一石五斗

第四科從二品米一石十一斗黃豆一石五斗

第五科正三品米一石九斗黃豆一石五斗

第六科正三品米一石五斗黃豆一石二斗

第七科從三品米一石五斗黃豆一石二斗

第八科正從四品米一石二斗黃豆一石三斗

第九科正從五品米一石一斗黃豆一石

第十科正從六品米一石一斗黃豆一石

茅十科正從七品米十三斗黃豆六斗

第十一科正從八品米十二斗黃豆五斗

第十二科正九品米十斗黃豆五斗

第十三科從九品米十斗黃豆五斗

間因凶歉而乍減旋復者不為詳錄

○經濟六典有守信田乃備朝官寡妻廩給俾不窮餓改撰大典時取為職田殊失祖宗忠厚之意

○陸放翁言官爵常苦俸薄而吏人食錢甚厚時有省官不如省吏之語今樞院寫字官食三品祿又受月料及丘吏價合計祿俸大臣相等制政之不均蓋自古如此

芝峯類說

皇朝祿俸正一品月支米八十八石通計一年則一千
四十八石視漢二千石僅半為然斗石之大倍於漢矣
以是為差從九品月支米五石所謂祿寡於宋者也上全
補禮有祿足以代耕之說我國之職田廩田是也職田者
宗親文武官恒受有差等廩田者牧府郡縣所受有差等
而壬辰後境界紊或職田廢而至於廩田大同行後定營
需官需俗所謂衙祿公需条者此也故相金壽恒常達白
職田之議而朝議多歧未果行日得錄

追贈

宗親及文蔭武實職二品以上追贈三代父母准己品祖

父母曾祖父母遞降一等亡妻從夫職

親功臣則雖職卑贈正二品

大王私親之考贈領議政祖贈左贊成曾祖贈判書大院君私親之考贈右議政世子私親之父贈左贊成王妃考贈領議政世子嬪考贈左議政大君妻父贈右議政王子妻父贈左贊成

一等功臣父贈純忠積德秉義補祚功臣二等功臣父贈純忠積德補祚功臣三等功臣父贈純忠補祚功臣并封君奉命出疆身歿異域者陞品贈職

除職奉承傳未除職前身死者贈相當職

新及第未分館前身死者贈相當職

已上并改事新書

○中朝官制五品以上為大夫故得推恩三代我國惟從

二品以上實職者得贈先代至 宣祖初年大臣建議朝

臣之追贈者許推恩所後父母而不得并贈其所生父母

遂為成例蓋出於重宗統之意云 芝峯類說

補守二品以上實職者得并推恩所生父母 仁祖朝以

爭追崇者多故遂不許本生家追贈 五峯述先錄

補推恩贈三世國典也鄭判書廣成生時其子太和在拜

相而遺言曰吾爵亦高不必推恩 晦隱集

補侍從臣父年七十加資古無是例自 顯廟朝始有之

而只是官卑者推恩陞資而已今則資憲以上無不推恩

不但恩典之濫觴原其本意以子之貴延上於未達之親

而今乃以其子之卑秩僅參從班之故官高之父置加崇

級殊無意謂 陶谷集 顯廟朝金壽興壽恒兄弟并判吏

戶其父光燦以蔭官擢為工議久之光燦病且死大臣欲
尊官而榮之請以年七十子為侍從者加階光燦遂陞同
知後遂為例

竄謫

李叔蕃蒙召還配入太宗朝

○鄭汝昌謫鍾城初定庭燎夫每使臣入公館汝昌輒執
炬火之役甚恭今則竄謫之人只任便閑住而已雖徒年

定屬亦無應役之事頃歲惟趙憲謫配驛站吉州遇使臣

行過必具羽笠前導使臣止之而不聽聞中朝則雖大臣

有罪皆配邊遠躬執戍役云芝峯類記

○盧守慎在瑯嶼謫中乙卯倭寇犯湖南入嶼搶掠守慎
避寇至光州寇退還八嶼年譜

○趙憲以通津縣監杖殺內奴之豪橫者配富平戊寅丁
外艱憲家在金浦去配所不滿十里而以法不得奔喪左
集

英宗乙巳春李真淳謫肅川李真洙謫宣川丙午秋母
洪氏在京有疾左相洪致中為言於選中上命給暇歸
省蓋異數也八月遭喪喪期在十月日者言十月有忌宜
用十一月真洙曰過葬還謫例也不可以拘忌過期竟以
十月葬即行

起復

國法起復人謝恩起京并吉服一應朝會勿叅惟行出官

叅謁王色服在家衰服

朝野記聞

世宗朝左相黃喜丁憂不出代過數月起復

詳世宗相

世宗丁未鄭獬趾丁母憂戊申特起為集賢殿副提學

名臣錄

世宗御經筵講通鑑至唐環卒丁憂帝命近臣徃其第
傳起復之命近臣還奏曰某哀毀因極臣不敢傳命也叅
贊官許誠曰近者起復之命非一臣恐此命屢降則朝士
之短喪者多而下之視效者亦從風而靡矣上曰今後
自非大臣不能為有無者勿令起復

世宗己巳

文宗權搃萬機書雲副正金淡遭父喪

上命百日後許令赴京乘傳上送賜米豆十石淺淡木縣

團領一百苧布帖裏一鹿皮靴一外幕一皂色條兒一引

見于內仍命往

歷泠淡上書辭職院啓曰金淡眠喪未

久而起復授職皆為未便

令曰淡也雖再三上疏辭職

還給事

上已教之予何有為於其間再啓不允

再啓批
金

淡下

金文節遺稿

宣祖壬辰起復金命元為都元帥

甲午起復李德馨為兵判德馨累劄辭不允德馨不得已

起視事

壬辰洪聖民典文衡乙未李德馨典文衡皆以起復人辭

遠

并詳大提學

官吏歸葬

河崙

○世宗命兵曹曰在朝官吏物故而歸葬其鄉者令所經州郡驛驛給車牛送至其家

宦官

太宗十七年傳曰予觀經史宦官雖或有忠於君者而其
佞君亡國者率多然宮闈之間不可無此輩也今宦官每

以小事欺予予非不知置之於浚但不知小豎不可事也
謹責也昨夜因有微恙掌膳者不在乃知宦官擅自遣出
不可容貸自今政院每夜點檢八直宦官及掌膳者

○世宗傳于政院曰宦官之職唯在燈燭掃除不宜授以
出納之任予逐日視事俾無畱滯然近者金壽尚於除授
間夤緣詔傳漸不可長已令治罪今後事無大小代言皆
親啓

世宗朝集賢副提學崔萬理上書極論宦官着軟脚烏
絁帽不合古制依中朝例着冠其言曰自古歷代人主罷
任宦官權傾天下者甚多然不能易其冠者蓋以閹寺之
流不可混於搢紳駭人觀聽言甚切至諸宦官側目相視

議逐寢

筆苑雜記

○文宗初即位司憲府上疏曰宦官為國家患其來久矣
人主自幼及長與之親狎非如三公六卿進見有時可嚴
憚也間有性識褻利語言辯給善伺候顏色承迎旨趣受
命則無忤違之患使令則有擁捭之效甘言卑辭之請有
時而從浸潤膚受之懇有時而聽如飲醇酒嗜其味忘其
醉故我世宗教曰宦官之職唯在燈燭掃除近者金壽
尚於除授間魚緣詐傳漸不可長自今事無大小代言皆
親諮其所以燭知物情慮患深遠可謂至矣今臺諫進言
於承旨承旨乃使宦官轉聞言至三轉豈能盡達微意乎
請一遵世宗故事凡臺省及大小臣僚進言者或令承
旨親諮以廣耳目上嘉納之國朝謨烈

成廟一日與幸宦五六人語民間事仍命內諸侍者一

宦豎辭不食曰今日國忌不啖肉 上曰予以先祖世遠耳汝何乃不情此退之左右曰此乃咸興隸人也少時樵于山見內官之奉命而過去者乘駟衣緋騎從甚盛即歸家手劒其腎因以托籍內班 上曰不祥之人命除官

籍 五山說林

○中廟朝政院啓內班院素有懸板以記規戒闔寺之辭廢朝撤之請復古制云即命復揭記乃金宗直所作靜庵建奏

○內需司本不設提調用印及用印之後宦者憑公濟私頗有作威之弊 明宗丙寅西司啓去其印中外大悅潭石遺事

○中朝內侍冠服與朝紳特別 宣廟朝承旨卒應時於
經筵達白內官眼色依中朝改定言雖不行內官等憤疾
搆以他事幾獲罪凡事變革之難如此 芝峯類說

○宣廟朝有一近侍中官受暇歸鄉列邑多款待而禮山
倅某獨能以法自持定式外無絲毫所加中官銜之欲以
計中之還白於 上曰列邑中某某倅待臣皆如定式而獨
禮山倅以臣昵侍 至尊故遇之特厚迎候境上親執鄙
事先生閭里秋毫皆 上息也 上以某某倅為能守法
而嘉之以禮山倅為媚附中人而鄙之顯加陞斥外議反意其
由於待宦之厚薄後有筵臣以此陳白者 上始覺其誣罔
悉以中官之變亂黑白狀諭之 公私見聞

○宣廟朝李貴為安山郡守內司下人持 內旨而來以

不曾關由政院監營不為奉承及貴歸之後 上特命
內司凡公事必使關由政院 延平日記

○李鳳禎 宣帝信任內臣也先海士子地官李懿信密
贊遷都交河之議主收議于二品以上皆以為不可主問
鳳禎曰予欲遷都廷議不欲其可為乎對曰人主欲為則
何事不可為只恐成都而不及遷耳主曰何也對曰咈民
情而能成事未之見也故云爾又一日主問大內常苦烟
氣 先朝亦然乎對曰 先朝則正殿外皆鋪抹樓閣何
以多主又曰大內甚喧擾 先朝亦然乎對曰 先朝尚
宮以下皆以布襪行殿陛不敢著鞋今則著鞋鞋底如釘
戔聲橐橐安得不喧主又問汝在 先朝甚瘠今則肥健
何也對曰此乃聖恩也先王勤於為政夜深就寢鷄鳴又

起聽故老奴輩和衣假寐鈴動即起安得不瘦今則晝而時食夜而安眠安得不肥凡此皆諷諫其亦東漢呂強之類歟

荅泉雜記

仁祖反正初副學鄭經世賜對首言宜先罷內需司以

示無私 龍洲集

嶺南士族有天闥者內侍法取之為養子其族屬絕不與通 仁祖朝闥之叔父為承旨直闥中闥方籍內府在禁中以所得柑橘若干枚乘夕進之承旨曰南北司不得相通國法也既不受柑橘又不令往來其家終不相面而死承旨之守法如此

孝廟朝徐挺然嘗為太僕正時有一宦者以賣馬帖子賄下輩逼出駕轎上乘挺然覺之重寃下輩改給病劣馬

宦甚嘆之後於大內供奉時與諸暨私語曰向者余受帖子馬於大僕正某為余為內侍欲親厚之特給上等好馬余獲大利矣佯若密詭於其類而故稍舉聲及上聽上適聞而心惡之題其名於殿壁凡有除擬一切斬黜外朝莫知也年久後大臣之憐徐者以待從臣無端廢棄白之 上曰此人欲交宦侍擅給御乘非人臣道也大臣駭而退追得其實審知其為巧宦所中歎更白未及而挺然死噫小人之工於逞憾如此人臣立朝禍患之來有非智慮所能防者也 菊圃頭錄

己丑宋浚吉啓曰內司公事 祖宗朝舊例必關由吏曹其官府一體杜弊防患之意誠非偶然十數年前吏曹簽押之際猶知其何問而今則執筆占位署惟謹不復問

其公事實如何而但任內司官所為種種違法厲民之事
率由於此同春集

肅宗乙卯十一月武科一旣內侍金徹文等三人以內
侍府尚門書筆子赴舉其中一人八格試官啓請保舉人
及八門官及徹文等并令收司推治上命錄名官推考
赴舉者以冒八場屋之罪論之述而

○乙卯南九萬疏曰朝晝晨夕之間殿下之所與處者
可知也萬機酬酢之繁嬰於前則顧問使令之事不得不
時及於左右稔熟之人殿下雖嚴加勤束不少暇借且
於政令之間獨運神斷使不敢有一毫之參錯而俯仰唯
諾之間已足以移殿下之意旨臣歷觀前代人主初則
以為狎習而易制也中則以為親近而可信也終則至於

禍成而不可悔無不害于身小于國千古滔滔若出一轍

華泉集原疏為
宋後吉卡証

○肅宗丙寅四月晝講執義徐宗泰言陵幸還宮時駐駕
教場太僕正以進鞭立駕後小宦詬罵有同奴隸擠排迫
逐幾至仆地悖慢之習不可不懲請令查治 上命先罷
後推宗泰又言我朝家法唯中官無越法度最為美制
宗社靈長亦有所賴而黃昌副尉家護喪中使因事書啓
請推楊州牧使何敢踰越規制輕視朝士若是無嚴戾請
罷或不叙 上難之曰諸邑皆送役丁楊州人不至書啓
言此事請推一事蓋由於不識規例耳宗泰曰為中使者
但當據實陳啓以俟處分而已楊牧爵秩不卑渠安敢乃
尔此等事每示顧護之色臣實悶之 上曰予只言事狀

而已謂之顧護是不知予本意仍從之

寶鑑

○肅廟庚寅教曰內需司之獄如漢北寺獄流來雖久心
常未安自今罷內司獄寶鑑

○校理李真倫疏曰內需司其設雖久國家服歸器用厥
有正供倉廩府庫莫非其有不宜真內藏犯王者亡私財
之戒且內司屬宮甚夥一宮屬人又不知幾輩分曹出都
門黃緣作勢剝民流毒利歸於己怨歸於國亟宜罷之

上褒荅而不果用

行狀

○宦者為物朽腐凶穢實非人類而娶妻居室有同平人
妻或不謹罪以失行是豈合於天理人情乎違情悖理莫
過於此恐非聖人之法也

松窗雜記

掖隸

仁祖朝增置武藝別監為四十人 肅宗乙卯教以肄
下精兵其數甚少加設二十 英宗戊辰加設四十以充
百額

英宗丁未宋寅明啓曰 宣廟朝保母來有屋輜八間
中宣廟命撞破屋輜至今傳為美事 孝廟朝引接諸臣
之際掖隸輩皆面無人色罷出後始定 祖宗朝防閑近
習如彼其嚴矣 上嘉納 杏湖日記

吏胥徒隸

吏胥有祿俸歷代皆然而國朝吏胥無給祿之規有去官

之制然不得陞遷更無生理其因緣欺罔王法作奸固其所也自壬辰變後吏額減編權給月料而議者猶指經費欲加裁削亦不知其可也 芝峯類說

○法典內諸道驛丞以書吏積仕動苦者差遣而金安老為吏曹判書時改驛丞為察訪盡以門蔭子弟除授由此吏胥之職唯渡丞而已非法典本意 芝峯類說

○凡官署之隸在京者供其司之役在郡縣者刑曹總其額歲定其數番上於京充百僚之立吏名為選上奴其初跟馬趨走供使喚耳後漸收其舊布勢不可禁則載於國典月不過收布兩端今則布布漸賤三倍督徵貧人不能堪欲自供役則閭人蒼頭百暇侵苦納價而後已大官之職無四五局者上奴無慮五六十人太半收價則月常

得百餘正以資飲饌之費有一大宦腰腹膨脹一奴戲謂其友曰相公腹貯何物而其大如是其友曰活吞下如許我輩能不大乎謔聞瑣錄

鄭光弼議選上奴入中宗朝

仁祖撥亂初李聖求為司諫達白悉遣選上奴歸郡荷潭錄

○成石因為禮判啓曰判書長於六部而率皂隸一人與

下官無異請加一人上允之判書西皂隸自成石因始

補齊叢話成石因請平公即成倪曾祖

○曹植戊辰封事曰自古權臣擅國者有之戚里專國者有之宦寺專國者有之未聞吏胥專國如今之時政在大夫偏不可況在吏胥乎公卿大夫濟濟先後而相率而歸

政於僮隸至於軍民庶政邦國機務皆由此刀筆之手財
聚於此民散於外雖莽卓之奸亦未嘗有此也

南真集

曹南溟云朝鮮以吏胥亡國可謂痛切至于今日胥吏
之害滋甚為官者朝更暮遷席不暇暖而胥輩從火至
老任事自若操縱伸縮專在其手非止竊簿書盜財物
而已

芝峯類說

○趙憲疏曰臣聞中朝內自部府掾吏外至鎮邑胥吏凡

仰於官者如鬼隸牢子之屬莫不有月俸

銀二兩半

而一人在

官則在家子弟雖至四五皆不定役云此實成周府吏胥

徒祿同下士之意也我國則內自書吏皂隸典僕外至衙

典書負使令等日不離官其苦莫甚而了無一錢之所及

既不暇治農又不能為工為商而其衣其食畧無出處此

所以欺官弄術怵民要貨竊簿盜財入倉偷粟不顧廉恥者也

重拳集

○宋時烈疏曰府吏胥徒實耗國之大蠹不可不汰省今兵曹判書南九萬汰去者近百証謫明興然其利益則已不貲矣伏願亟令諸曹一例汰省為時俗之語曰掀天動地者不可下手蓋謂市井吏胥也此輩聯通禁掖實操禍福之權不可不知也臣及見前輩得聞其言有云朝紳有與市井吏胥交好輒阻請望今日朝臣祿薄不與此輩交好則無以為生故能自拔於頽俗者鮮矣以故此輩一罹罪罰請囑四至極可寒心

九庵集

○卽官各帶書吏為陪獨兵曹陪卽官者利最優求之者焦唇汗面折趾而爭先為銓曹注擬兵卽之際年少美容

合陪吏者褰裳林立待點下善走者得之如一時駢至則先脫冠授之門內者得之此吏中故事也昔銓望之擬沈友正叅首閔夢龍叅副沈家在南門外閔家在太學傍反點下于沈點吏高聲誣之曰閔某受點諸吏皆向太學走一吏直走南門南門樓又有一吏先候望見紅衣者自松峴顛倒而來遂先往既入門良久諸吏脫冠爭門士大夫求官亦類此首有銓曹判書家金貂滿堂皆囁嚅莫敢先發有蔭官末至先諸客發言言訖即去判書大喜先官其人吁此其南樓之吏也

於于野談

○各衙門跟隨代立者微償布於本身甚濫朝廷議令該曹收直分給任虎臣啓曰此非所以養廉也其待士大夫

不已薄乎

松窩雜記



